

# 'SA SINK WEG IN... Skuldstrik'

Op 'n 'glibberige glybaan',  
maar hy wil nóg meer leen

Francois Williams

Verkeerde besluite, ekonomiese stagnasie en die staat se mistaking om staatsondernemings rek te ruk is van die redes waarom die staat se geldsake aansienlik versleg het.

"Ons is stadig besig om in 'n klassieke skuldstrik weg te sink en plaas daardeur 'n onbillike las op toekomstige geslacte."

Dié verdoemde kommentaar van Nedbank se ekonomiese eenheid is van die wisselende reaksie op gister se mediumtermynbegrotingsraamwerk (MTBR).

Daar is skerp kritiek uit verskeie oorde op veral die regering se besluit om staatskuld selfs verder te verhoog as antwoord op al sy probleme.

Die afname in die belastings wat tot dusver ingevorderd is weens laer kommoditeitspryse en Eskom en Transnet se krisis, het tesame met die skerp salarisverhogings aan staatsampnare en die skuld pakket vir Eskom 'n groter begrotingstekort veroorsaak.

"n Ekstra R34 miljard kom ook by om die armoedetoelae, wat veronderstel was om tydelike verligting gedurende die Covid-19-pandemie te bied, met nog 'n jaar te verleng.

Dit beteken die staat moet meer geld leen, wat hom meer gaan kos weens hoër rentekoerse.

Daar was duidelik nie enige aptyt vir moeilike besluite in die MTBR nie, sê prof. Raymond Parsons van die Noordwes-Universiteit se sakeskool.

Hy en talle ander kommentators verwelkom wel die regering se belofte in die MTBR om die struktuur en grootte van die staat te herskik om koste te besnoei.

Hy meen dit was onafwendbaar dat die armoedetoelae met

MTBR IN SYFERS

**R56,8 miljard**  
Belastinginvordering vir lopende boekjaar soveel minder.

**R330,1 mjd.**  
Begrotingstekort rek tot soveel teenoor Februarie se verwagting van R275,4 miljard.

**R4 800 mjd.**  
Totale staatskuld sal in die lopende boekjaar tot soveel styg.

**R553 miljard**  
Staat moet soveel in die volgende drie jaar leen.

nog 'n jaar tot Maart 2025 verleng sou word.

Parsons waarsku dat die staat se geldsake op 'n glibberige glybaan na benede bly.

Volgens hom het die MTBR nie 'n duidelike fiskale plan gewys hoe die regering besteding gaan besnoei en die begrotingstekort gaan verklein nie.

Sy siening word besam deur Bennie van Zyl, hoofbestuurder van die landbou-organisasie TLU SA wat sê Enoch Godongwana, minister van finansies, het bloot die stukke meubels op die sinkende skip rondgeskuif.

"Suid-Afrika is op koers om oor 'n fiskale afgrond te tuimel en ons hou vol met die benadering wat ons tot hier gebring het," sê Van Zyl.

Ekonomie het wel lof gehad vir tekens dat die tesourie die krane ietwat toedraai wat reddings-

“

**Suid-Afrika is op koers om oor 'n fiskale afgrond te tuimel en ons hou vol met die benadering wat ons tot hier gebring het.**

— Bennie van Zyl, TLU SA

boeie aan staatsondernemings betref.

Die skuldverligtingsprogram van R254 miljard vir Eskom wat in Februarie aangekondig is, is 'n donker wolk oor die staat se balansstaat in die volgende drie jaar. Godongwana het nou 'n wysigingswetsontwerp ter tafel geleë



Enoch Godongwana, minister van finansies, lewer gister sy mediumtermynbegrotingsraamwerk in Kaapstad. Foto: REUTERS

“

**Om 'n verpleegster te min te betaal gaan nie maak dat die treine betyds loop nie. Dit sal wel die breinkwyn laat blom van vaardiges.**

— Matthew Parks, Cosatu

“

**Die oplossing is sterker ekonomiese groei. Daar is net soveel wat gesny kan word en daar is risiko's as belasting verhoog word.**

— Hugo Pienaar, Mineraleraad

Hugo Pienaar, nuwe hoofekono- noom van die Mineraleraad van Suid-Afrika, sê die staatskas se penarie word beklemtoon deur die feit dat die regering mik om belastingmaatreëls in Februarie se begroting aan te kondig om 'n ekstra R15 miljard in te vorder. Dit is ondanks die besnoeiing

van R85 miljard in nierentebesteding, wat vir die volgende twee jaar beplan word.

"Die taak is so groot dat selfs R85 miljard se besnoeiings nie 'n duik maak nie. Die oplossing is sterker ekonomiese groei. Daar is net soveel wat gesny kan word en daar is risiko's vir die ekonomie as belasting verhoog word," sê Pienaar.

Matthew Parks, waarnemende nasionale woordvoerder van die vakverbond Cosatu, kla dat die tesourie se "eng fokus om die staatsdiens se salarisrekening te sny, 'n lui opsie is" wat nie die verskeie krisisse sal oplos nie.

"Om 'n verpleegster te min te betaal gaan nie maak dat die treine betyds loop nie. Dit sal wel die breinkwyn laat blom van vaardige staatsampnare wat na beter betalende en minder stresvolle poste oorsse uitwyk."